

AKILOCOKINET  
ALOKIDING  
NGUNA AKIRE

ATUTUBET 3



**AYENUN NGUNA AKIRE NGUNA KA  
AKUJ KA AMODIYO A SATAN  
EKITAABO NGOLO ANGIKASIOMAK**

# Akitatamet 1: Ngakiciket ka Akuj

## Tosyoma Ngikisila 30:11-20.

- Alipite itamunitor Akuj ngikisila Keng? Egogong ikes kori epatana?
- Alongaet angolo 15 anu nguna etyakunitae anguna yok? Anu icamakini iyong?
- Anu eyaunete akiyar ka akiterereng? (engaet.15-16)
- Anu eyaunete atwanare ka ngilam? (engaet.17-18)
- Anu ecamit Akuj iwon oseutu? (engaet.19)

## Tosyoma Ngikisila 28:1-14.

- Anu etakanunete erae kikiwuap iwon ngikisila ngulu ka Akuj?
- Erae ngakiikineta nu nguna ka akiyar yok kedaun iwon atwanare kori nguna ka akiyar yok alokwap?

## Tosyoma Ngikisila 28:15-19.

- Anu etakanunete erae pa kiwuapakin iwon ngikisila ngulu ka Akuj?

## Tosyoma 2 Ngakiro angirwa 7:14.

- Alurotin aponiata ngitunga (2 Ngakiro angirwa) tobongosi neni ka Akuj?
- Anu abu Akuj kitiya ngina aponiata ikes kibelekinos neni Keng?
- Alo Fiji, nyaalu ngirotin ngidi ngulu aponiata ikes kiwuapakis Akuj?
- Alurotin ngidi ngulu abunio Akuj kitererengio Fiji?

## **Atamatam**

Yaa apaki atamatam alotooma ngiwaitin lu angipepei

- Alipite itiyaa iyong anakisitiya ngiboro ngul?
- Nyo icebore ngini ipedori iyong akitiya?

# Akitatamet 3: Epedorio iwon akibelekin nguna amoi

**Tosyoma Luka 7:11-17.**

Ngiboro 8 ngulu ikipedori iwon akitiya ayaunia akibelekinet

1. **Abu Yesu kingolek inges.** Aya ngitunga ngulu alalak nasepic, alakara ngikewuapak a yesu anguna ka akujuwanut angina aringa ikes eanyunito – kikote neni dang, abu Yesu toanyu inges alokiding asepic. Ani kikilosu iwon aruwor ngitunga ngulu ikiyauni akibelekinet, iitana iwon aruwor ngitunga ngulu ikiyanyu ngulu. Iitana iwon oanyutu kire ebe ikiyanyuni ngitunga angipepei meere asepic.
2. **“Abu etau Keng tolol neni keng.”** Ani kikicamit iwon ayaun akibelekinet iitana iwon ayakaunor akisionit. Iitana iwon oraka ngitunga ngulu eriangakin ngitai ngina ikiyanyunia akiitanit angulucetunga. Ngapakyo nguna alalak ikijongoe iwon aanyun ka amitakin. Nyaanu nguna ikitiyae iwon ikianyuni idio ngini iitanit anatukot yok? Nyaanu nguna ikitiyae iwon ikianyuni toto ngina abu lokile keng toesik ekal kori papaa ngolo aponi toesikinae idarit ngidew ngulu cicik? Eyakare iwon amitakin a? Kingita Akuj ikiinak iwon amina ngina alalan anguna ka atukot yok. Kingita Akuj ikitoodik iyes ngitunga ngulu ka atukot kus lopite ngolo iteo inges.
3. **Abu Inges inaki ngakiro nguna ka atitinyikin.** Iitanito anginapaki ngitunga idio ngini emitakin anguna kec ka akisimukekin ikes. Epatana atamakin ebe ikiitanit ngiboro kire akingarakinia ngitunga nait ngulu anginapaki iitanito akingarakino, nyepatana ariamun idio ngini ebuni akimaima ka akititinyikin.
4. **Abu Yesu totap alyel.** Ngina etiyaa Yesu nu, abu kitiya nguna pa eyookino alotalyo kec. Anupito ngiyudayan ebe nyemakina iyong totap alyel kori iruwor ngini nyiseg. Acamit Yesu aruwor ngini nyeseg anguna ka akingarakinia idio. Iitana iwon acamun akitiya nguna nyiyookino nguna ecamunito ikes alotalyo ka akitongoriano akingarakinia ngitunga. epedorete ngitunga akirworor iwon kori ikitepega nait iitana iwon akitiya nguna ikinyaritor iwon Akuj akitiya.
5. **Eyai apedor nakiro ngina ka Akuj ka nakilip.** Ngina elipia Yesu abu itunganan toyaru alokatwak. nyikimuriak akilip alotooma eyakae ngolo iyakar iyong. Yaa apaki akilipakin ngitunga. kitiya ngun inupit ebe kire ibelekin eyakae ka amitakin anguna angakiitaniata adaadang. Kitatam ngitunga akilip ikotere epedoriata ikes dang ayenun apedor ngina ka Akuj.
6. **Apotu kitiyakin.** Aponi kiteyarunae esorokit anatwanare. Emaikina iwon oyakaunotor nguna itiyakin alotic yok. Ani kicamit iyong akingarakin, togeik angiboro angulu edisiak angulu ipedorit iyong akitiya epataka. Ani kipedo iyong akitiya, elakarosi ngitunga ka ecamunete ngulu alalak akimorikin akitiya ngun. Anadaunet ipedori iyong akitiya ngiboro ngulu agogongok akilo.
7. **Abu Yesu kinyakak ikoku neni atoto keng ka torotok.** Arae toto itunganan ngini etopolooritae, ayakatar inges akisuudaet ngina ka apedor ka Akuj akimor kapei ka ngulu. Ngina ikingarakinia iwon ngitunga, iitana iwon akiteyenun ejok ebe nyemaikina ikitojoki ka toruwor iyong ikituruunio. Kimiek ngitunga kisileereut ngun elimonokinete ngulu anguna apotu totakanut. Edukokini inges akeroru kec, akilo iyong ikituruun. Abu Yesu torotok oesik ikes irworosi eemut kec.
8. **Aponi kituruunoe Akuj.** Anadaunet emaikina akituuruun tobongo neni ka Akuj. Kiteyenu ejok jwi jwi ebe ngina edaunotor nguna daadang, Akuj Inges ngolo ituruunio.

# Akitatamet 4: Tosyoma Mateo alo Baibul

**Tosyoma Mateo 25:14-30.**

## **Ngingaeta 16-18**

- Anu apotu ngiketiyak kitiyata angainakineta kec?
- Ipedori iyong atiakun angolo abu kisitiya ngainakineta kori angolo abu kiwu a?

## **Ngingaeta 19-23**

- Anu abu ekapolon kitiya ebonguni inges?
- Anu abu inges tolimok ngulu apotu kiyataki ngainakineta kec?

## **Ngingaeta 24-28**

- Nyaani ationis ngina ke eketiyan angolo abu kiwua ecwee keng?
- Anu abu ekapolon tolimok inges?
- Nyaanu nguna itami iyong nyisitiyaata ngikanupak ngainakineta kec?
- Anu ikipedori iwon akiya a?

# Akitatamet 4: Ariamun

## ngakitukuruwonereta nguna alunyar

**Ngakitukuruwonereta nguna nyepedoritor akitiya nguna emaikina.**

**Itunganan ngini emojongit** = “Okoe kerae ca oringa ayong arae esorokit, kayakatar agogong ngina kijaakinet Ekapolon angainakineta kang. Amojong ayong tokona ka akadou.”

**Itunganan ngini esorokona** = “Okoe kerae omojongite ayong, kayakatar ayong apedor ngina riket ngitunga, akijaanakinia Ekapolon angainakineta kang. Egegong natokona anerae asorokona ayong.”

**Itunganan nginimucurus** = “Okoe kerae oyakatar ayong apaki ngina iyatakina. Atingiyara ayong alotic kang ka amamukatar ayong apaki ngina kingarakinet ngulu.”

**Itunganan ngini nyesiomit** = “Okoe kerae osiomite ayong. Nyayeni ayong ngadikiro nguna etapito Ebaibul. Erae epasitait kori epaderit kire epedori akingarakin ngulu anerae elosit inges losukul ngolo esiomere ka itatamere Ebaibul.”

**Itunganan ngini ekulyakana** = “Okoe kerae oyakatar ayong ngisilinga ngulu alalak, angun, kapedorit ayong akijaanakin Ekapolon. Akulyakana ayong tokona akingarakin idiotunganan tari ayong elope.”

### Ekiyan Anatukot angina cici

- Anu alotooma ngakitukuruworeta nu isitiya iyong
- Anu alotooma ngakitukuruworeta nu iranari iyong aneni angulu alopelesiya kori alokanisa?
- Ani kitukuruworet abu eketiyan ngolo abu kiwua ecwee keng?
- Acamakinit ekapolon akitukuruworet keng a?
- Itamakinit iyong atemar ecamakinit Akuj ngakitukuruworet yok a?
- Anu ikipedori iwon akitiya akilounia ngakitukuruworet nu?